

تورکیا بو یول ملت مجلسی

بیتلی

یوز اون دردنجی اجتماع

مندرجات

اوراق واردہ:

نواحی قانونک مذاکرہ سی ،
مالطہ دن عودت ایتمش اولان سیواس مبعوثی واصف بک مجلسہ تقدیمی ،
سیواس مبعوثی رؤف بک نافعہ وکیلکینہ تأییداً انتخابی ،

برنجی جاسہ

رئیس : برنجی رئیس وکیلی حسن فہمی بک افندی
کاتبیر : محمود سعید بک (موش) راغب بک (کوتاہیہ)
۲۱ تشرین ثانی ۱۳۲۷ بازار ایرتسی - ساعت ۲ صکرہ

طونہ لی حلمی بک (بولی) — افندم! ردایدہ جک
اولان لایحہ انجمنیدر .
رئیس — بروسہ مبعوثی اوپراتور امین بک زینت
اشیاسندن ویرکو استیفا سنہ دائر تکلیف قانونیسی لایحہ
انجمنہ حوالہ ایدیوروز . (آکلیہ مدق سسلری) مثلاً
قراوات ایکنہ لرنندن فلان . . .
قونیہ مبعوثی کاظم حسنی بک قونیہ عسکری
متعهدلرینک مطلوباتنک عدم تسویہ سی حقندہ مالیه وکالتندن
سؤال تقریری ، مالیه وکالتنہ حوالہ ایدیوروز .
یوزاللی بیگ کیلو توتون حقندہ جبل برکت مبعوثی
احسان بک سؤال تقریری وار ، مدافعہ ملیہ وکالتنہ
حوالہ ایدیوروز .

رئیس — مجلس کشادایدلدی . ضبط سابق خلاصہ سی
اوقونہ چقدرہ . (ضبط سابق خلاصہ سی اوقوندی) ضبط
سابق حقندہ مطالعہ واری افندم ؟ (قبول سسلری)
ضبط سابق عیناً قبول ایدلدی .
بروسہ مبعوثی اوپراتور امین بک ماندا وبار کیرکی
اولان حیوانات اہلیہ دن ویرکو استیفا سنہ دائر تکلیف
قانونیسی وار . (رد ، رد صدالری) (شدتلی کورولتیلر)
رئیس — تکلیف قانونی برحق مجمل و مقدسدر . تکلیف
قانونیسی لایحہ انجمنہ حوالہ ایدلم . اوندن صکرہ رد
ایدلم . (کورولتیلر و رد صدالری)
افندم ! لایحہ انجمنہ حوالہ سنی قبول ایدنلر لطفاً
الریئی قالدرسون ! (رد صدالری) (قبول ایدلدی)

دردنجی شعبه دن عدلیه انجمنه طربزون مبعوثی حافظ محمد بکی وسعد مبعوثی مصطفی صبری افندی بی، مدافعه مایه انجمنه لازستان مبعوثی نجاتی بکی انتخاب ایتمش . حافظ محمد بك عدلیه انجمنه انتخاب ایدلدیکندن دولای، اولجه انتخاب ایدلدیکی انجمن تدقیقندن استعفا ایدیور . یزینه بشقه بر ذاتک انتخابی اجرا ایدیله جک .

افندم! اوراق وارده مزیتمشدر. تسلیب بیورورسه کز بوکون اداره نواحی قانونک مذا کره سنه باشلا یه لم. (موافق سسلری) اداره نواحی قانونه باشلا یوروز . لطیفی بك (ملاطیه) — انجمندن کن تعدیل تقریرلری واردر .

رئیس — افندم! اوتوز دردنجی ماده بی مذا کره ایده جکوز .

ماده ۳۴ — رأی اعطاسی معامله سنک ختامنده درحال تعداد وتصنیف معامله سنه ابتدار اولنور . اشبو معامله نك بلافاصله اجرا واکمالی لازمدر .

تسلیب بیورورسه کز بوفصلک ۳۲ و ۳۳ نجی ماده لرینک مذا کره سنی شمذیلک تأخیر ایدم . چونکه انتخابک شکلنه دائر اولجه مجلس عالیکنز برتقریر قبول ایتدی . او اساس دائره سننده انجمنک بوماده لری یکیدن تدقیق لازمدر . بونلر کاغذله انتخاب اساسنه کوره تنظیم ایدلش و مجلسکنز قبول ایتدیکنز تقریرله انتخابده باشقه سیستم قبول ایلدیکنز دن بونلری شمذیلک تأخیر ایدم . او حالده ۳۴ نجی ماده بی مذا کره ایدم .

فخرالدین بك (قارص) — افندم ذاتاً اوج ماده ده اوسیتسم قبول ایدیلورسه اودقیقه صندوقلر آچیلورورایلر تصنیف ایدیلور .

رئیس — فخرالدین بك بونکله بوماده نك ده تأخیریمی تکلیف ایدیورسکنز ؟

فخرالدین بك (قارص) — خایر ماده نك عیناً قبولنی تکلیف ایدیورم . چونکه او یازیسز کاغذلر آتلدیغی زمانده صندوقلر آچیلور . او وقت رایلر تصنیف ایدیلور . طونه لی حلمی بك (بولی) — رئیس بك! مذا کره یه آلتنجی قسمدن باشلارسه ق ای اولور . چونکه بئشنجی قسم

تمامیله انتخابه عاندز .

رئیس — اوتوز دردنجی ماده حقتده باشقه سوز ایسته یین وارمی ؟ تعدیلنامه ده یوق . اوتوز بئشنجی ماده یه کچلمسنی تسلیب بیورانلر لطفاً اللریخی قالدرسون! ۳۵ نجی ماده یه کچلمشدر .

ماده ۳۵ — تعداد وتصنیف معامله سنه وکیللردخی اشتراك ایدرلر . وکیل تعیین ایدلمه مش ایسه هیئت انتخابیه رئیس طرفندن او قویوب یازمغه مقتدر منتخبلردن ایکی کیشی بالتفریق هیئته قبول اولنور . بونلر حضورنده انتخاب صندوقلری برر، برر کشاد و ایچلرنده ظهور ایدن رأی پوصله لری آیری، آیری تعداد اولنورق رأی آلان اسملر برضیطورقه سنه قید وکیملرک نه قدر رأی آلمش اولدقلری بالحساب تصریح واشبو ورقه نك زیری هیئت طرفندن تصدیق اولنور .

طونه لی حلمی بك (بولی) — رئیس بك رجایدرم! یهوده یه وقت کچیره جکوز . بوقسمی کچم . آلتنجی قسمه باشلا یه لم .

رئیس — باشقه سوز ایسته یین وارمی افندم ؟ طونه لی حلمی بك (بولی) — بنده کزک سویله یه جکلمرم وار . فقط سویله ییم، چونکه اولکی ماده لر هنوز تعین ایتمه مشدر .

حسین عونى بك (ارضروم) — حلمی بك بیور- دقلرینه کوره بوماده لر قالسونده صوکره مذا کره ایدم .

رئیس — افندم ایکی شق وار . بریسی، بوفصلک مذا کره سنی براقه لم دیکرینه باشلا یه لم . دیکر بریسی ده بوفصل انتخاب شکلی، ایستری بوورلا قله اولسون ایستری پوصله لره . هر نه شکلره اولورسه اولسون، مذا کره ایده بیلیرز. شمذی اول بوفصلک مذا کره سنک تأخیرینی رأیکزه وضع ایده جکم . بوفصلک تأخیرینی قبول ایدنلر لطفاً اللریخی قالدرسون! (قبول ایدلدی) ۳۵ نجی ماده حقتده باشقه سوز ایسته یین وارمی؟ (خایر سسلری) ۳۵ نجی ماده حقتده مذا کره بی کافی کوروب ۳۶ نجی ماده یه کچلمسنی قبول ایدنلر لطفاً اللریخی قالدرسون! (قبول ایددی)

طونه لی حلمی بك — اکثریت یوق افندم! ایکی ال قالدی

رئیس — حلمی بك افندی برنجی مذاکره سوز
 آلان ذوات سوزی بیتیدی. تعدیلنامه بولنامه سوز، قرار
 شکه عاودلینی ایچون اساسا رئیس دیگر ماده یه کچه بیلیر.
 چونکه تعدیلنامه یوق. سوز آلان ده یوق. ایکی ال قالمش
 اوچ ال قالمش دیمکه حاجت یوقدر .
 ماده ۳۶ — آئیده تعداد اولنان رأی پوصله لر
 کأن لم یکن حکمنده در .

(۱) هیئت انتخابیه طرفندن توزیع اولنان رأی
 پوصله لرینک غیری اولانلر .
 (۲) هیچ بر اسمی حاوی اولیانلر .
 (۳) حاوی اولدینی اسمی اوقومیه جق در جهده اولانلر .
 (۴) انتخاب اولمق حقنی حائر اولیان کیمسه لرك
 اسامیسی محتوی بولنانلر (اودانه منحصر اولمق اوزره)
 (۵) انتخاب اولنان کیمسه لرك هویتی متضمن اولیانلر
 (یا لکنز اودانه منحصر اولمق اوزره)

(۶) دروننده عدد معیندن فضله اسمی محرر
 بولنانلر (باشدن اعتباراً عدد معیندن سوکره کی اسملری
 طی ایدمک اوزره)

توفیق افندی (کنگری) — اقدم! یا لکنز ۳۶ نجی
 ماده نك بشنجی فقره سننده (انتخاب اولنان کیمسه لرك
 هویتی متضمن اولیانلر) دینیور . منتخب اولان ذاتک
 هویتی مشهور اولور، ذکرندن مستغنی اولور هویتی
 سویله مز. بناء علیه؛ بوکبی آداملرک رأیلرینک کأن لم یکن
 عد ایدلمه سی دوغری اولاماز .

لطفی بك (ملاطیه) — بوماده نك ده دیگر ماده لرله
 مذاکره سی لازمکلور .

رئیس — اقدم! تحریری انتخابه تعلق ایدیور .
 تنسیب ایدرسه کنز دیگر لرله برابر مذاکره ایدمک اوزره
 تأخیر ایدم .

توفیق افندی (کنگری) — رئیس بك افندی !
 انتخابک یو وارلاق اصولیه انجمنجه قبول ایدیلوب ایدلیه جکی
 معلوم دکل. قبول ایدلدیکی تقدیرده هیئت عمومیه ده قبول
 ایدیلوب ایدلیه جکی مشکو کدر. مشکوک برشی ایچون ماده نك
 تأخیری جائز دکلدر .

رئیس — اقدم! مجلس بوتقریری نظردقته آلمشدر .
 وانجمنه ویرمشدر . تنسیب بیوررسه کنز اوتوز آلتنجی

ماده بی دیگر ماده لرله مذاکره ایتمک اوزره تأخیر ایدم .
 انجمنندن کله جک شکلدن سوکره مذاکره ایدم . ۳۷ نجی
 ماده یه کچه لم .

ماده : ۳۷ — تعداد وتصنیف معامله سنک ختامنده
 برضبطنامه تنظیم اولنور اشبو ضبطنامه مواد آتیه بی احتوا
 ایدر .

- (۱) یوم ومحل انتخاب
- (۲) هیئت انتخابیه اعضاسی ایله وکیللرک ویا تعداد
 وتصنیف معامله سنه اشتراک ایدن منتخبلرک اسم وشهرتلری
- (۳) انتخاب جدولنده مقید اولان منتخبلرک مقدراری
- (۴) رأی ویرن منتخبلرک مقدراری
- (۵) منتخبلره توزیع اولنان ، انتخاب صندوقلرینه
 آتیلان و صندوقلرده ظهور ایدن و کأن لم یکن عد اولنان
 پوصله لرك مقدراری

(۶) رأی آلانلرک اسم وشهرتلرله قزاندقلمی رأیلرک
 مقدراری

طونه لی حلمی بك (بولی) — رئیس بك سوز
 ایستهرم . اوتوز یدنجی ماده حقنده طی تکلیف
 ایدیورم . حقمدر .

رئیس — ۳۷ نجی ماده حقنده سوز ایستهرن وارمی
 اقدم ؟

فخرالدین بك (قارص) — یا لکنز بر مسئله واردر .
 بوماده ده دخی صندوقلرده ظهور ایدن و کأن لم یکن عد
 ایدیلن پوصله لرك عددی دینیور که ذاتاً یازیسز پوصله
 آتیه جق ؟

رئیس — اقدم ! اوتوز یدنجی ماده حقنده بشقه
 سوز ایستهرن وارمی ؟ اوتوز یدنجی ماده حقنده برنجی
 مذاکره بی کافی کوروب اوتوز سکزننجی ماده یه کچه کلمه سی
 قبول ایدنلر لطفاً اللربی قالدرسون ! (قبول ایدلدی)
 ماده : ۳۸ — انتخاب ضبطنامه سی هیئت انتخابیه

رئیس و اعضاسی ایله تعداد وتصنیف معامله سنه اشتراک
 ایدن وکیل ویا منتخبلر طرفندن تصدیق و انتخابه اساس
 اتحاد اولنان انتخاب جدولنک بر صورتی عیناً بر دفتر مخصوصه
 قید ایدلادن صکره انتخابه متعلق اوراق ایله بر لکنده
 قضایه ارسال واقف مقام طرفندن در حال ولایت شوراسنه
 تودیع اولنور اوراق انتخابیه به وناحیه نك نفوسنه نظراً

اعضائه و نامزد دلگه انتخاب ایدلمش اولانلرک اسامیسی
ولایت شوراسنجه دفتر مخصوصه قید ایدیلیر . و کیفیت
ناحیه مدیرینه بیلدیریلرک اهالییه اعلان اولنور .
رئیس — اوتوز سکرنجی ماده حقتده سوزایستهین
واری ؟

سلیمان سری بک (بوزغاد) — اقدم ! انتخابک اجر اسندن
صکره انتخاب جدولی قضایه کوندریلور و اورادنده
قائم مقام ولایت شوراسنه کوندریور صکره ولایت شوراسی
اوراقی تدقیق ایتدکن صکره دوغریدن ناحیهیه کوندریور .
اورتدن قضا قالمیور .

لطفی بک (ملاطیه) — بو ماده ده اوراق انتخابیه
ناحیه نك نفوسنه نظراً اعضائه و نامزد دلگه انتخاب
ایدلمش اولانلرک اسامیسی ولایت شوراسنجه دفتر مخصوصه قید
ایدیلور و اهالییه اعلان اولنور . دنیلور . حالبوکه : بز
هم اعضاء هم نامزد هر ایکسنک بر آراده انتخابی غیر جائز
اولدیغنه دائر کچنلرده بر قرار ویرمشدک . بناء علیه ؛ بو
بالکنر تشویش اذهانی موجب اولمقدن بشقه بر فائدهینی
منتج اولمیه جقدر . او ماده بو یولده تعدیل ایدلمک اوزره
انجمنه کیتمشدر . انجمندن کلوب هنوز تثبیت ایدلمه مشدر
بو نامزد دلگه کله سنک بورادن طیبی لازمکلیر . ایکنجی مذا
کره سنده ایجاب ایدرسه علاوه ایدرز . یوقسه شمدی
بر صندوق نامزدلرایچون ، آیریمجه بر صندوقده اعضا رایچون
وضع ایده جکنز . هر ایکسینی بر آراده انتخاب ایده جکنز .
صوکره متخبلره ایکشر ، رأی یوصله سی ویره جکنز .
بو ایسه تشویش اذهانی موجب اولمقدن بشقه برشی دکلدر .
بو بوکا احتیاج یوقدر . ذاتاً انحلال وقوع بولورسه درجه ثانیه ده
رأی آلانلر منحللی اکمال ایدرلر . آنکیچون بو فقره
بوسبتون زاندر . یعنی : نامزد انتخابی بوتون ، بوتونه فضله
وزاندر .

رئیس — اقدم ! ماده حقتده بشقه مطالعه واری ؟
(یوق سسلری) یوزغاد مبعوثی سری بکک تقریری وار :

ریاست جلیلهیه

ماده ده کی (قضایه ارسال و قائم مقام طرفندن) فقره سنک
طینی تکلیف ایدرم .
یوزغاد
سلیمان سری

افقدم ! اسباب موجب سنیه ده ایضاح ایتدیلر . بوتعدیلنا
مهینی نظر دفته آلانلر لطفاً ال قالدرسون . لطفاً اللریکنزی
ایندریکز . نظر دفته آلیانلر لطفاً ال قالدیرسون !
(نظر دفته آلدنی) نظر دفته آلان تعدیلنامه ایله بو
مادهینی انجمنه کوندریوروز . ینه بومادهیه متعلق نامزد دلگ
کله سنک طینی لطفی بک تکلیف ایدیورلر . اسباب موجب سنیه ده
ایضاح ایتدیلر . بو تعدیلنامهینی نظر دفته آلانلر لطفاً
ال قالدیرسون . لطفاً اللریکنزی ایندریکز . عکسنی رأیه
قویه جنم . نامزد دلگ کله سنک ابقاسنه طرفدار اولانلر لطفاً
ال قالدیرسون ! (طی ایدلمشدر اقدم)

حسین عوننی بک (ارضروم) — رئیس بک ! مستنک کفره
باقکنز . رجا ایدرم .

رئیس — اقدم ! شیمدی ماده تعدیلنامه لره انجمنه
کیدیلور . انجمن تدقیق ایدر . ایسترسه یکی بر شکل
تکلیف ایده بیلیر .

ماده : ۳۹ — هانکی انتخابک کان لم یکن اولدیغی
ولایت شوراسنجه تعیین اولنور .

توفیق افندی (کنگری) — اقدم ! انتخابلری
کان لم یکن عدایتدیره جک قانون اولمیلدر . هیچ برشورا
اولماملیدر . چونکه : مملکتده انتخاب بیوک برسیاستدر .
ولایت شورالرینه انتخابده کنندی ایشلرینه یارامیه جقلرک
ردی و ایشلرینه یارایه جقلرک قبولی صلاحیتی ویریلورسه
او وقتده انتخابده سلامت قالماز . زیرا : برچوق نمونه لرینی ،
امثاللرینی کوردک . بونی قانونه ترک ایتمیلدر . شورالره
تودیع ایتمه ملیدر .

مضید افندی (قیرشهر) — اقدم ! مادهینی بنده کز
غایت عجیب کوردم . هانکی انتخابک کان لم یکن اولدیغنه شور اقرار
ویریلور . ایسته دیکی انتخابی کان لم یکن ، ایسته دیکنی مقبول
عد ایدیور . بونکیچون قانون دائره سنده یاپلمش بر انتخابی
ویا خود قانونه مخالف اوله رق یاپیلان بر انتخابی ؛ اهالینک
کندیسنک انتخاب ایتدیکی شورا اعضالرینی مافوقنده کی
شورا ایسترسه قبول ایدر ، ایسترسه ایتمز کی حریتلرینی
تقیید ایده جک بر صلاحیت ویرمه ملیدر . بناء علیه ؛ بنده کزجه
بوماده نك تصریح و تصحیحی لازمدر . (دوغری سسلری)

ایدیلور . ولایت شوراسی ، انتخاباتی تصدیق ایتش ایکن بالآخره میدانہ چیقہ جق سوء استعمالات دولایسیلہ اولجہ محکمہ جہ تدقیق وتصدیق ایدیلن انتخاباتک فسختی دخی ایجاب ایتدیره بیلیر .

توفیق افندی (کنگری) — شوخالده بوماده ناقصدر ، برپارچه تصریح ایستر .

ذکائی بک (دوامله) — آرزو بیورسه کز « انتخاب

قانونه موافق اوله رق جریان ایتش اولان انتخاباتک تصدیق وموافق اولیمان انتخاباتک ولایت شوراسنیجہ کأن لم یکن عدی انجمنک تسیب وقراریله اولور « دیه ماده یه بر تصریح قونور . (اولور سسلری) انجمنه اعاده ایتسونلر .

بوماده یه مطلقاً « انتخاب قانونه موافق اولانلر تصدیق اولونور واولیمانلر تصدیق ایدلنر « دیه بویله بر قید قونیله جق اولورسه فی الحقیقه « ولایت شوراسی هر وقت منعقد دکدر . برانجمن وارددر ، ووانجمن یاپه جقدر دیمکدر «

انجمن درت بش کشیدن مرکب اولسنه نظرأ بتون ناحیه شورالری و انتخاباتی تصدیق یارد ایتک حقی انجمنه ویرمک انجمن عالیکنر ایچون جدأ شایان ملاحظه در .

مطلقاً « انتخاب قانونه موافق اولانلر تصدیق اولنور واولیمانلر تصدیق ایدلنر « دیه بر قید علاوه ایدیلیرسه اووقت ایسترسه بوحق ولایت شوراسنه ویرلسون ، ایسترسه انجمنه ویرلسون مادام که : قانونه تألیف ایتک مجبوریتنددر آرتق بوجله قانونده قالمق لازم کلیر .

مفید افندی (قیر شهر) — افندم ! بوماده ایله انجمنک مقصدی آکلاشیلدی . اما کله جک احکام جزائییه معطوف اولق صورتیله تعیین ایتدی . شمدی ویردکلری ایضاحابه نظرأ شورالریک پامش اولدینبی انتخابی مقید ومعلق بر صورتده قبول ایتش اولیوروز . ناحیه شوراسی طرفندن انتخاب ایدیلن

اعضانک انتخاباتنده ویاخود انتخاباتک هیئت عمومیه سنده بر بولسزلق وارسه ، بونلرک مأموریتی ولایات شورالرنجه تصدیق ایدیله حکم ش . . دیمک که : بزخلفه دوغری دکل ، مرکزیتنه دوغری کیدیوروز . شوخالده دوغروندن دوغری یه

کندی انتخابی یاپان برشوراء ، کندی اعضاسنی اسقاط حقیقه حائزدر . اداره ولایات قانوننده : مجالس عمومیه

اصاعیل صفا بک (مرسین) — افندم ! بوراده برقطه نك دها تنویری لازمکلیر . یاپیلان انتخاباتی ولایت شوراسی تدقیق ایدیور . حالبوکه : ولایت شوراسنک منعقد اولدینی زمانه تصادف ایدن انتخاباتی کیم تدقیق

ایده جقدر . ؟ اووقت دینه بیلیرکه ولایت شوراسنک انتخاب ایتدیکی درت کشیدن مرکب انجمن ولایت بونلره باقسون . دیمک که : بو انتخابی تدقیق ایتک درت کشینک ائنده قالیر . اوخالده بودرت کشینک اینه براقق دوغری میدیر ،

دوغری دکلیدر ؟ اجرا ایدیلان انتخابک ممکن اولدینی قدر بی طرف بر صورتده تدقیق ایجاب ایدر . بو تدقیق درت کشینک اینه براقیرسوق اووقت بر طاقم محاذیرک تولدی محتملدر . بوماده نك دها صریح بر شکله یعنی

سوء استعماله میدان ویرلیه جک بر شکله تثبیت وتعیین ایجاب ایدر .

رئیس — انجمن نامنه مطالعه وارمی ؟

ذکائی بک (مضبطه محرری) — افندم هانکی انتخابک کأن لم یکن اولدینی آلت طرفنده ، آلتنجی قسمده احکام جزائییه ده ، تعیین ایدیلن ماده لرده مصر حدر . بالخاصه

۲۶ نجی ماده ده تصریح اولوندینی اوزره بر طاقم جزالری استلزام ایده جک اولان سوء استعمالات طولایسیلها انتخابک فسختی مسئله سیدر . بناء علیه ؛ دوغری دن دوغریه انتخاباتک فسختی ولایت شوراسنه تودیع ایدلمش برحق صریح دکدر .

انتخابات انساننده جریان ایده جک اولان سوء استعمالات مناسبتیله فاعللری محکمیه تودیع ایدلر کدن وبونلر تحقق ایتدکن صکره انتخاباتک بولنده جریان ایتمه مش اولدیغندن او انتخابک فسخته قرار ویره جقدر وبالطبع دمین افندی

حضر تلرینک بیوردقلری کبی انتخاباتک کرک تصدیق وکرک فسختی ، انتخابات قانونه موافقتی قیدی نظر دفته آلتمی ایله اولور . انتخابات اصولی دائره سنده جریان ایتش ومشتکی ، مدعی بولنماش ایسه ولایت شوراسی انتخاباتی

تصدیق ایتش اوله جقدر . مراجعتلر اساساً محکمه عائده سنه تودیع اولنه جق ومحکمه جہ ذاتاً مفلون ایسه ولایت شوراسنک تصدیق ایتدیکی انتخابات نظر اعتباره آلتماز . شاید بوندن متولد فناقلر وار ایسه بونلرک فاعللری تجزیه

انتخاباتنده بریولسزلق وقانونسزلق اولورسه و كذلك مجلس
 مبعوثان اعضالغنه انتخاب اولنان اعضانك مانع انتخاب
 برحالی وارسه و انتخاباتنده بریولسزلق موجود ایسه فسخته
 اومجلس قرار ویردیکی حالده ، وبوصلاحیت اومجلسه
 ویرلدیکی حالده نهدن زواللی کوی خلقنه ، ناحیه خلقنه
 وبوصلاحیتی ویرمیورزده ولایت شورائینه تودیع ایدیورز؛
 صوکره ولایت شورالری حال اجتماعده دکل ، ایکن ده
 بو حقی ولایت مجلسلرینه ویریورز . شو حالده درجه ،
 درجه کویلونك حقوقنی دیگر بویوکلرک ائنه ویریورز .
 بناءً علیه : بوماده نك طینی تکلیف ایدیورم . انتخاباتنده
 بریولسزلق اولورسه بومسئله ؛ احکام جزائیهدده اولدیغنی
 کبی دوعرودن ، دوعریه یه محکمه یه کیدر . محکمه جه انتخاباتنده
 فساد قاریشدیغنی تحقق ایدرسه محکمه فساد قاریشدیرانلر
 حقتنده جزالرینی ویریر . وبوصورتله نتیجهده حاصل
 اولور . وحقی ده محافظه ایدلمش اولور

لعفی بك (ملاطیه) — افندم ! مادام که : انتخابات
 ولایات شورالرنجه تصدیق ایدیله جک . انتخاباتنده فساد
 ظهوری تقدیرنده مسئله نی محکمه یه تودیع ایدرزومادام که :
 محکمه یه تودیع ایتمیورز . ولایات شوراسنه ده ویرمک
 خطارد . مسئله نی محکمه یه تودیع ایتلیز و محکمه جه
 جزا ترتیب ایدیلور و بعده ناحیه شوراسنجهده انتخاب
 فسخ ایدیلور .

موسی کاظم افندی (قونیه) — افندم ! هانکی
 انتخابك کان لم یکن اولدیغنی تعیین خصوصنده ولایت
 شوراسی صلاحیت تامه نی ، حائزدر . یعنی انتخابك هانکی
 سیله کان لم یکن عدایدلدیکی ماده ده مصرحدر . بو خصوصنده
 ولایت شوراسنه برحق بخش اولونیور . بو جهتی ده
 مفید افندی وتوفیق افندی خواجه لرمن ایضاح ایتدیله .
 مضبطه محرری بك : بوماده نك قوه تأییدیه سی آلتنجی
 قسمده یعنی احکام جزائیهد مجتهده موجوددر ؛ یعنی انتخاباتنده
 هر نه صورتله اولورسه اولسون . فساد قاریشدیرانلر
 محکمه یه تودیع ایدیلر . محکمه ده فاعلرک ارتکاب ایتدیکی
 جرم تحقق ایتدکن صوکره بو انتخابك کان لم یکن اولدیغنی ده
 آکلاشیلور . واوزمان قرار ویرلمش اولور . بوصورتله

انتخاباتنده فساد قاریشدیرانلر محکمه یه تودیع ایدیلر
 وجزالرینی کورورلر . فقط انتخاباتنده فساد قارشمش دییه ،
 محکمه یه شکایت و اخبارات وقوعوبولورسه محاکمه نك اجراسی
 فساد قاریشوب قارشما سنك تعیین و فساد قاریشدرانلرک
 اصلی تحقیق و تدقیق و تطبیق جزا ایکی اوچ سنه یه توقفایدر .
 بوصورتله انتخاباتنده فساد قاریشوب قاریشادیغنی تدقیق ایتک
 و انتخاباتك کان لم یکن اولدیغنی اثباته قالمشقم شورالرک
 اجتماع ایتمه سنی قبول ایتمکدر و شمعی به قدرده انتخاب مبعوثان
 قانوننده اوله در که : انتخاباتنده فساد قاریشدیرانلر ، تهدید
 ایدنلر محکمه یه تودیع ایدیلر ، اونلر جزالرینی کورورلر .
 فقط انتخاب ایدیلن مبعوثك مبعوثینه خلل گلز . انتخاب
 ایدیلن ذاتك شکل انتخابی ، مجلس مبعوثان انجمننده تدقیق
 ایدیلور . وقبول اولنور . او اصول ده دوعریدر .
 ولایت شوراسنه ویرمکده معنا و محل یوقدر . ناحیه
 شوراسی تدقیق ایدر . کرک انتخاب قانوننده و کرک نواحی
 قانوننده مخالف اوله رق انتخابات وارسه و انتخاباتی کان لم یکن
 عدایده جک اسباب موجود ایسه بونی رد ایدر و یا خود
 قبول ایدر . بناءً علیه بو مسئله نی احکام جزائیهد ایله توفیق
 وتردیف ایتک نتیجه و محکمه دن کلنجه به قدر شورایی
 معطل بر حالده بر اقق دوعری دکلدرد و بونك امکانی ده
 یوقدر . بو حقی ناحیه شوراسنه ویرمک دوعری و کافیدر .
 طونه لی حلمی بك (بولی) — افندم ! ماده علیهنده
 سویله ین آرقداش لرمن جدا حق ایدرلر . یالکز بوماده یه مقابل
 بولایجه ده ؛ دیگر بر ماده نك بولنسی ایجاب ایدیور که مع التأ
 سف یوقدر . انتخابات نتیجه سنده و یا خود انتخابات ائناسنده
 بر حیله تحقق ایدیور . بالخاصه نتیجه اعتباریله میدانه
 چیقه جق حیله نی نظر اعتباره آله م : بو تقدیرده هیئت
 انتخابیه نه یا به جق ؟ . ایشته بو سؤاله جواب ویرمک
 بر ماده بولنمایور . بناءً علیه بو خصوصده انجمنك نظر
 دقتی جلب ایدرم . بو اساسجه بر ماده تثبیت ایدلسون
 انتخاباتك نتیجه سنده بوصله و یا بواو اراق اعتباریله بوزمنتخب
 وارکن مثلابوز بریووار اراق چقیور . بوزکیشی ، بوزمنتخب
 رأی ویرمش و مثلاً : طقسان طقوز رأی چقیور . دیمک اولیور که :
 انتخاباتنده فساد واردر . شمعی شو ماده موجبجه بومسئله

تا ولایت شوراسنه قدر کیده جکمی ؟ و یا خود ناحیه شوراسی آچیلنجیه قدر بکلیه جکمی ؟ . یوقسه اوآنده اتخاب تجدید ایدیلرک کیدنمی یا یپله جق ؟ یوقسه فسخمی ایدیلرک ؟ بو خصوصده نه یا یپله جقسه بنده کزجه مطلق صورتده در عقب یا یپله مالیدر وینه بو خصوصده نه کبی دلائل و اماره موجود اولمالیدر که یکیدن اتخابات اجراسنه مباشرت صلاحیتنی هیئت اتخابیه به بخش ایدلم ؟ بناءً علیه انجمندن رجا ایدیورم و انجمنک نظر دقتی جلب ایدیورم ! بو بوشغنی دولدرسون !

زکائی بک (آطنه) - اقدم بو اتخابک کأن لم یکن عدا و لنمسنه سبب اوله جق شی : اتخابات انساننده ، خارجدن هر هانکی بر منتخبک و یا خود منتخب اولمیان برینک یا بدینی یولسزلق دکلدر . دیشار و دن رأی آلانلری تحریک ایدنلر ، تشویق ایدنلر و یا خود پوصله سی یا کلش آتائلر بر پوصله ریفه ایکی پوصله آتائلر و الحاصل احکام جزائیه سی زیرده کی ماده لرده تعیین ایدلمش اولان اشخاصه عائد یولسزلقلر ، اتخاباتک فسخنی موجب اولماز . . اساساً هر ناحیه ده اتخاب صندوقک باشنده بولنان هیئت اتخابیه بوکبی یولسزلقلری منعه مأمورددر . بناءً علیه ؛ شمعی قبول ایتدیکمز ۳۶ و ۳۷ نجی ماده لرده هانکی پوصله لرک انسانی تعدادده قبول ایدیلرک و مصرح اسمدن و مقید اسمدن فضله پوصله ظهور ایدرسه اولنرک نه شکلده ابطال ایدیلرک چی و شاید اتخاب اولنق حقنه مالک اولمیان بر آدمده پوصله ده یازلمشده اتخاب ایدلمش ایسه اونکده نه صورتله کأن لم یکن عدد ایدیلرک چی و الحاصل هیئت اتخابیه خارجنده بولنان منتخب و یا متخیل طرفندن یا پلش یولسزلقلرک ؛ اتخابه مأمور اولان او هیئت اتخابیه طرفندن نصل تثبیت اولنه جنی و هانکی رأیلرک کأن لم یکن و هانکی رأیلرک مقبول طو توله جنی ماده - لرده مصرحدر . بناءً علیه ؛ بونلرک هیچ ریسسی اتخاباتی ابطال ایتز اولنر ، اوکبی یولسزلقلر انسانی اتخاباتده تصحیح اولنور . اتخاباتی کأن لم یکن عدد ایتدیررک چی شی : اتخابک اجراسنه مأمور اولان هیئت اتخابیه نک ، اتخابات انساننده یا به جقلری یولسزلقلردر ؛ سوء استعمالتدر . بوده آنجق مافوق بر شوراچه قابل تدقیق و قابل تثبیتدر . بو هیئتک ؛ اتخاباتده

یولسزلق اولمش دیه دوغرو دن دوغرویه بو اتخابی فسخ ایدلم دیمسی دوغرو دکلدر . ذاتاً او هیئت یولسزلقنی منعه ، و ویریلن فضله پوصله لرک رد و ابطالنه مأمورددر . آنجق او هیئت اتخابیه ؛ وقیله حق اتخابه مدار اولنق اوزره تحققت ایتدیر دکلری نفوس جدولک ، ولایت شوراسنه توزیع و تصدیقندن سوکره ، او جدول کتدیلمینه اعاده ایدیلرک او جدول موجبنه اتخاباتی قبول ایدلمک دکلر می ایدی ؟ . . او جدول ایچندن بش اون اسامی نی چیقاره رق اتخاباتی یا پسر ؛ بونی کیم تدقیق و ظاهره اخراج ایدلمک چکدر ؟ بو یولسزلقنی یا پان و ادارم ایدن او هیئت اتخابیه دکلیدر ؟ . . ایسته آنجق بوندن دو لاییدرک ؛ بو یولسزلقنی تقدیر ایدلمک اولان ، بو سوء استعمالی یا به جق اولان او هیئت دکلی مافوقده کی بر هیئتدر . و چونکه مافوق هیئت ؛ اتخاب اولنق صلاحیتنی حازر اولانلرک اسملری و وقیله بیلدیرلمشدر . اتخابات بیتدکن سوکره کوندر یله جک جدوللرله شکل اتخابات تدقیق اولنور . فی الحقیقه هیئت اتخابیه ؛ حق اتخابه یا لکزر مالک اولانلرک چی پوصله لر نی قبول ایتمش ، یوقسه حق اتخابه مالک اولمیانلرکده پوصله لر نی قبول ایتشمی ؟ . بو تدقیق ایدیلور . هیئت اتخابیه نک اتخاباتده یا به جنی اییلک و فئالق آنجق ولایت شوراسنجه ، انسانی تدقیقده آ کلاشیلور و اکر یولسزلق رازسه ، حق اتخابه مالک اولانلرک حقنی نهدن بو یولسزلق سببیه ضایع اولسون ؟ . او تقدیرده یا یپله جق شی : اتخاباتی فسخ ایتمک و یکیدن اولنرک حقنی احقاق ایتمکدر و مادامکه بو جرم مافوق بر هیئتجه قابل تدقیق و تحقیقدر . بناءً علیه اتخاباتک تصدیق و یاردی و یا خود کأن لم یکن عدسی دینه ولایت شوراسنه عائد اولنق لازم کلور . موسی کاظم افندی حضر تلرینک بو یوردقلری کی ؛ انجمنک تقعه نظری اوله در دیمدهم . یعنی وقوعه بوله جق یولسزلقلردن دولانی محکمه جه تعقیبات قانونیه نتیجه سنده ، فاعللرک محکومیتلری تبیین ایتدکن سوکره ، ولایت شوراسی اتخابک کأن لم یکن عدینه و یا خود تصدیقنه مجبور اولاجقدر . بناءً علیه اوکا انتظاراً اتخابات بر مدت قاله جقدر کی بر معنا آکلانماک احتمالی یوقدر . اتخابات انساننده هر نه صورتله اولورسه اولسون

انتخاباته اجرای تأییر ایدیه جکله حقهده پایله جق اولان محاکمه
معاملاتی آریدر. ولایت شوراسی اونکله مقید کلدن. اونلر
ذاتاً مقید جرملردن. انتخابک فسختی ایجاب ایتدیرن شی اثنای
انتخاباته انتخابه مأمور هیئتک یاه جنی یولسزلقدر. او هیئتک
یولسزلنی ایسه انجق ولایت شوراسنده حل اولنور. بناء علی
ذلک کندی محلته ترک ایتک دوغری برشی دکلدن.

امیر پاشا (سیواس) — اقدم! هر نه صورتله اولور
ایسه اولسون، بونواحی قانونی یایتمده بر مقصد واردن.
اوده کویلیلری تغلب و تحکمدن قورنار مقدر. مقصد بون
اولدیغنه کوره بو اونوزنجی ماده موجبجه یاپیلان اتخاب
باتک ولایت شوراسنجه قبول ویا رد ایدلک کبی حق
صریحی ینه اوکا براقیلور. بناء علییه؛ مافوق بر شورایه
بو حقی تودیعی ایتکدن ایسه بر مقش معرفتیه تدقیقات
یایلور. انتخابات تجدید ایدیلور. بناء علییه بو ماده تک
تمامیله قالمسی طرفداری یم. یاپیلان انتخاباته ظن ایتمک:
بر سوء استعمالی هیئت عمومییه سیله یاپسونلر. بویله اولسه
بیله بونی تدقیق ایتمک حقی مافوق شورایه تودیعی ایتکدن
ایسه بر مقش معرفتیه تدقیقات یاپیلور. و انتخابات
تجدید ایدیلور. بو انتخابات یکیدن اجرا ایدیلور. انتخاباته
سوء استعمال قاریشدر انلر موجب تجزیه اوله جقسه محکمه یه
تودیعی ایدیلیر. بناء علییه؛ بو ماده تک تماماً قالمه سی
بنده کز تکلیف ایدرم.

طوراق بک (ارضروم) — اقدیلر! شور سطرلق
ماده اوزرنده یارم ساعت نبری مناقشه ایدیور زور نتیجه یه
اقتران ایتدیرم دک. وقت فضل اولسه اوچ ساعتده،
بش ساعتده مناقشه ایتسه ک ضرریوق. فقط؛ بو مذاکره
ایتدی کمز لایحه قانونیه تک ماده لری اوقدر مغلوق یازلشد
رک: هر زمان ایچون ماده اوزرنده تفسیره محتاجز.
خاطر عالی کزده اولسه کر کدر. بوندن برایکی مذاکره
اول بویکی ماده تک انجمندن تفسیر نی رجا ایتدک. انجمن
کلیر، بو ماده یی تفسیر ایدر. انجق اکلاویه یلیرز. بو کونده
ماده تفسیر ایدلدی. ینه اکلاویه میورز. ده آکلادیغمز
یوقدر. بونک اوزرینه بو قدر وقتمزی بوشه کچره جکمز
یرده، انجمن شو ماده لری بر آز صریح یازسه و تفسیر لره

احتیاج کو ستر مسه ده اینی اولمازمی؟ اقدیلر! بوقانونی
کویلر ایچون یاپیورز. کویلر ایچون یایدیغمز قانونلری
بویله مغلوق یایتمده نه معنا کوریورز؟ مثلاً: شوراده
دنیورکه: «هانکی انتخابک کآن لم یکن اولدیغی ولایت
شوراسنجه تعیین اولنور.» بور معما. کچن کونده عرض
ایتدی کم کبی «المعنا فی بطن الشاعر»، صو کره مضطبه محرری
بک بوراده چیقدیلر. ایضاح ایتدیلر. آکلادیق، فقط
بنده کز تمامیله قانع اولمام. چونکه بیوردیلر که: انتخابات
حقسنده الده موجود بر قانون واردن. فقط اوقانونک
خلافنده اوراده کی هیئت انتخابیه انتخاباته فساد قاریشدر.
رسه باشده کی شورا تحقیقات و تدقیقات اجرا ایدر. باقکز
بو معنا زرده؟ او معنا زرده؟ بنده کز بوندن هیچ بر معنا
استخراج ایدمدم. صو کره زواللی کویلی نصل بر معنا
چیقاره جق، بیلمم. حالبوکه: ذاتاً مذاکره ایتدی کمز
قانونده باطناً، ظاهر. آ انتخاباتک شکلنه اصولنه فساد قاریشدر یلوب
قاریشدر یلیه جغه دائر بر جوق ماده لر واردن. بو ماده لر خلافنده
حرکت ایدنلر اولورسه، بو ماده لرک خلافنده انتخابات
یاپیلر سه طیبی ولایت شوراسنه کیدر. ولایت شوراسی
اگر او انتخاباته بر فسادلق اولدیغنی کورر سه هر حالده
انتخاباتی رد ایدر و یکیدن یاپدیرر. جزا قسمنی ده بالاخره
مذاکره ایده جکمز. بونکچون بو ماده تک بوندن صکره
کله جک اولان ماده لرک ینه صریح اولسی لازمدر. بز
مجلسده بو ماده اوزرنده بو قدر مذاکره، مناقشه ایدر سه ک
بونی کویلرده، ناحیه لرده آکلومه تک امکانی یوقدر. بنده
کزر جا ایدرم. که: بویله مغلوق ماده لر وارسه انجمن
آلسون و بونی ای برشکله افراغ ایتسون؛ صو کره
مذاکره ایدم.

سلیمان سری بک (یوزغاد) — اونی هیئت تقدیر
ایدر.
رئیس — اقدم! سوز آن اوچ آرقداشمز وار.
(دوام، دوام سسلری)
سلیمان سری بک (یوزغاد) — مساعده بیورر سه کز
بورادن عرض ایدیوریم. اقدم! بو اونوز طقوننجی
ماده ده هانکی انتخاباتک کآن لم یکن اولدیغی ولایت

شوراسنجه تعیین اولنور دیور، حالبوکه ولایت شوراسی
 انتخابه صلاحیتدار دکل که فسخته صلاحیتدار اولسون .
 ولایت شوراسنک وظیفه سی ناحیه دن کیده جک انتخابات
 لیسته سنی تدقیق وقیددن عبارتدر و صکره ناحیه یه اعاده
 ایتمکدر . بناء علیه؛ بو حق تصدیق اولدیغندن فسخته ده
 صلاحیتدار دکلدر . ماده نك طی لازم کلیر .

طونه لی حلمی بك (بولی) — افندم ! انجمن نامه
 اداره کلام ایدن ذکائی بك برادر مزك بیورد قلمی مدافعات
 ایکی شقه آریلیور . برنجیمی : کآن لم یکن ماده سنی
 بیلدیرتن ماده یه عائد، ایکنجیسی ده بوشلغه عائددر .
 بنده کز عرض ایده م . بر انتخابك فساد ایله ماوت
 اولدیغنی ادا ایدن بر کیسه نك مطلق صورتده محکمه یه
 مراجعت اتمی لازمدر . ینه نتیجه سی قطعاً مفیدوغیر
 قانونی کورلمه ین بر مقام، انتخاباتده مطلق صورتده صلاحیتدار
 اولان مقام بر محکمه اولمیدر و تجزیه خصوصصنده ده
 بویه در . بناء علیه؛ انتخابك دوغری ویا غیر صحیح
 اولدیغنی محکمه ده حل اولنه بیلیر . ینه بنده کزک کچن
 کونکی معروضاتم اوزرینه ذکائی بك یوقاریده کی ماده لرك
 بعض نقطه لری کسر ایدلمشدر . بونلرله نه کی پوصله لرك
 کآن لم یکن عد ایدیلر چکی تقیید ایدلمشدر و برده یولسز .
 لقدم بولنان بر هیئتک کندی کندینه بر قرار اتخاذ
 اتمی قطعاً جائز دکلدر بیوردیلر . آرقداشلر ! ذکائی
 بکک بحث ایتدکلری ماده لر قطعاً بحث ایتدیکم نقطه یه
 تعلق ایدر ماده لر دکلدر . ایکنجیسی : بر یولسزلقدم
 بولونمش اولان بر هیئتک کندی علمینده ویا لهنده بر
 قرار اتخاذ ویا اجرای حکم اتمی دوغری دکلدر دیدیلر .
 ینه کچنکی سویلدیکی نظر اعتباره آله چغم .
 فرض ایدیورزکه : یوز منتخب وار . فرض ایده م !
 یوز یووارلاق طقسان طقوز چیتدی .

فرض ایده م ! یا لکیز بر کشی ده انتخاب ایدیلر جک . نه دیه جکر؟
 رأی ویرلمش . او آدم ده طقسان طقوز رأی آلمش مسئله بو قدر
 صریح اولدیغنی حلاله فساد قاریشمش اولان بو انتخاب
 مقبولیدر، دکلدر؛ قطعاً دکلدر . چونکه فساد قاریشمشدر .
 اما مطلق بو آدم اوله جقدر . باشقه نامزد یوقدر . اولسون

افندم ! مادام که : ایشک ایچنده یولسزلق وار . او انتخاب
 یکیدن اجرا ایدلمیدر . او انتخابه او قانونسنلنی قاریشدران
 کیمدر ؟ هیئتدر و یا خود دکلدر . بونه وقت که محکمه یه
 عکس ایدر سه یولسزلنی یان جزاسنی چکر . فقط مسئله
 دوغری بر انتخاب ایله شورایه تقدیم ایتمکدر . بناء علیه
 تکرار ایدیورم . انجمنک مطالعه سی قطعاً بوشدر .
 بو بوشلغنی انجمن دولدر مایدر . یوقسه ایکنجی مذاکره ده
 بنده کز دولدریم .

ذکائی بك (اطنه) — افندم ! ماده شو ایکنجی
 دفعه ازلرق یازدیغنز شکده قبول ایدیلر سه، ظن ایدرم .
 هیچ بر تأویله حاجت قلماز . انتخاباته فساد قاریشدران
 هیئت انتخابیه محکمه یه سوق وانجمن بو سببله انتخابات
 واقعه ولایت شوراسنجه کآن لم یکن عد ایدیلرک انتخابات
 تجدید اولنور . شمندی بو مطلق بوشکه فراغ ایدیلر سه .
 طونه لی حلمی بك — او بشقه بنده کزک ادا عام بشقه در .
 ذکائی بك (دوامله) — هیئت انتخابیه انتخاباته
 فساد قاریشدر . اوزمان او انتخابات دوغری اوله ماز .
 فسخ ایدلمک و تجدید ایدلمک لازم کلیر . بونک فسخته
 قرار ویره جک اولان هیئتک قطعاً مافوقی بر هیئت اولمی
 لازم کلور . اولافسادی یان هیئتدن او ایشی تصحیح ایتکی
 بکله مک دوغری اوله ماز (محکمه یامامازی؛ سسلری)
 محکمه یاپیلان یولسزلقدن دولای تعیین جزایه مأموردر .
 یوقسه اونلرک ، انتخاباتک تصدیقه ویا فسخته مأذون
 دکلدر . محکمه لر فسخ قراری اعطاسنه مأذون دکلدر .
 محکمه لری بوکا مأذون قیلار سه کز او باشقه مسئله در .
 فقط شمندی یه قدر انتخابات قانوننده بو، موضوع بحث
 اولمامشدر . انتخاباتی فسخ ایتک صلاحیتی دایماً او انتخابی
 اجرا ایدن هیئتله ویا اونک مافوقی اولان هیئتله عائددر .
 طونه لی حلمی بك — خیر؛ خیر .

ذکائی بك (دوامله) — بو مسئله ده بعض آرقداشلریمی
 یکیدن متحسس ایدر نقطه واردر . نهدن دولای ولایت
 شوراسی ناحیه لر انتخاباتک دوغری اولوب اولدیغنی
 تصدیق ایتک حقی جائزدر ؟ اوت ائی الحقیقه ناحیه شورالی
 انتخاباتک دوغری ویا اکری اولدیغنی والیر تصدیق

ایدر دینسه ییدی بن ده سزکله برابر اونک علیهنده اولوردم . فقط هیئت متتخبه اوزرنده قونترول ؛ ینه ملتن دوغان هیئت متتخبه واسطه سیله اجرا ایدیلور .

بناء علیه ؛ اونک وساطت ایتمه سنده هیچ بر محذور یوقدر . بونده بر محذور تصور ایدر سه کز او حالده مجلس عالی کزک بوتون ناحیه شورالری اوزرنده اولان حق مافوقیتنی رفع ایتمک اقصا ایدر . بونک مشروع اولسی مجلسلرک ینه اهلینک حق انتخابندن دوغمه مجلسلر اولاسندن دولایبدر . بناء علی ذلک بو اعتبارله ناحیه شورالری نیک اوزرینه بعض دها بویوک شورالره قونترول وظیفه سنی تودیع ایتمکده هیچ بر محذور یوقدر بلکه فائده واردر . چونکه اولرنده متتخدرلر .

(مفید اقدی به خطاباً) نیچون کولیورسکز بک اقدی ؛ رجا ایدرم ؛ ذات عالی لری بو فکر مک معارضی ایسه بوراده مدلاً ایضاح و بزى اقناع ایدک .

شکری بک (بولی) — ولایت شورالری نه او یله بر صلاحیت ویرلمسی دوغرو دکادر .

ذکائی بک (آطنه) — ایشته عرض ایتدم اقدم . بو ماده موجبنجه بو ماده ، انتخابه مأمور اولان هیئت انتخابیه طرفندن انتخابه فساد قاریشدر یلمشسه اولر محکمه به سوق و او انتخابی تجدید ایتمک لازم کلیر . اونی کأن لم یکن عدیه یکیدن انتخاب یاییلیر .

شکری بک (بولی) — یعنی شکایت وقوع بولورسه ... ذکائی بک [آطنه] — بو انتخاب دوغرو دن دوغرو به

ولایت شوراسنجه قابل تدقیقدر . یالکزیوقاریکی ماده لرده دیدککه : انتخاب حقنه مالک اولانلرله انتخاب اولنمی حقنه مالک اولانلرک دفتری ، ازمئه معینه سنده اعلان ایدلر کدن واعتراضلر ویرلر کدن ، فلان و فلانیدن سوکره ، مسئله تحقق ایتدیریلهرک ولایت شورالری نه کوندریلیر . اولرنده اوراده بونی تصدیق ایتدکدن و برر نسخه سی انتخابات اجرا ایدلمک اوزره محللری نه اعاده اولندقدن سوکره ، او انتخاباتی اجرا ایدن هیئت ، ولایت شوراسنجه تصدیق ایدلمش اولان دفتری آلهرق انتخاب ، ایدلمک حقنه مالک اولان افرادی کندی کوزی اوکنده طوته رق ، انتخاباتی اجرا ایدرکن او هیئت انتخاب

هرهانکی سبیدن دولای حق انتخابه مالک اولانلردن بر قسمنده اسامی سنی اودفتردن چیقاریرسه و اونک حق انتخابی نزع ایدر سه و او آدم لرده بیلمز سه که : ذاتاً اهلیمز اوقدر حقوق انتخابیه سی ایچون اوزون بویلی اوغراشمغه آلیشمش دکادر . بناء علیه هیئت انتخابیه او آدم لره ولایت شوراسندن کلن دفترده سزک اسمکز یوقدر . انتخاب ایتمک و یا انتخاب اولنمی حقنه مالک دکلسکز دیر سه ، بو صورتله انتخاباتی نقصان یاپار سه ، نتیجه ده فلانجه کیمسه لر احراز ا کثرت ایتمشدر . دیرک مضبطنی یاه جق و تکرار شوراسنه کوندره جک دکلی ؛ ایشته بو مضبطنلر ولایت شوراسنه کلنجه : اوراده بو جرم قابل تدقیقدر . چونکه ولایت شوراسنده دفترک اصلی موجوددر . بکی کلن دفترلره نظراً یاییلان انتخاباته عن قصد بعض کیمسه لرک اخراج ایدلر بکی آکلاشیلور سه او تقدیرده ولایت شوراسی هیئت انتخابیه انتخاباته فساد قاریشدر مشدر دیر . و اولری محکمه به سوق ایدر و انتخابات تجدید اولنور بویله دکلی اقدم .

رئیس — اقدم ! مذا کره نک کفایتی حقنه تقریر واردر . مذا کره بی کافی کورنلر لطفاً اللری نی قالدرسون ! [مذا کره کافی کورلدی]

اقدم ! انجمن بکی بر شکل تکلیف ایدیور . حالبوکه الده موجود آلتی تعدیلنامه ، مطبوع نسخه ده بولان شبکه کوره در . اونک ایچون شمندی انجمنجه صوک مصحح اولان ماده یی اوقویورم .

ریاست جلیبه
اوتوز طقوزنجی ماده بروجه آتی تعدیل و توضیح اولنمشدر :
ماده ۳۹ — انتخاباته فساد قاریشدران هیئت انتخابیه محکمه به سوق و آنجق بو صورتله انتخابات واقعه ولایت شوراسنجه کأن لم یکن عد ایدیلهرک انتخابات تجدید اولنور .

داخلیه مضبطنه محرری
ذکائی

رئیس — سوکره مفید اقدی حضر تلری ده اوتوز طقوزنجی ماده نک طینی تکلیف ایدیور .
طوراق بک ده اوتوز طقوزنجی ماده نک بروجه آتی قبولنی تکلیف ایدیور .

(خلاف قانون یاییلان انتخابات ولایت شوراسنجه تدقیق ایدیلهرک

بین ایدرسه شورا و انتخاباتی کآن لم یکن عدايدر .

ارضروم

طوراق

ریاست جلیله یه

بایلان ناحیه انتخابی حقدنه قرا خلق طرفندن انتخابده سوء استعمال ایدلبیکی شکایت ایدیلور ایسه ولایت شوراسی طرفندن اورا انتخاب تدقیق اولصورته رد ویا قبولی تعیین ایدیلور .

قارص

بولی

فخرالدین

شکری

ریاست جلیله یه

۳۹ نجی ماده برمجیولیتی تضمن ایدیور . هانکی انتخاب کآن لم یکن اوله جغنی صراحة اراثة ایدر . کیفی معامله یه غیر مساعد برطرزده تدوینی ضمننده انجمنه اعاده سنی تکلیف ایلرم .

موش

حمدی

(انجمنه اعاده سی موافقدر سسلری)

مفید افندی (قیرشهر) — رئیس بک افندی ! انجمن فکریخی سویلیدی . تکرار کوندرمهک حاجت یوق .

رئیس — افندم ! انجمنک صوک تکلیف ایتدیکی شکل معدلی رأیکزه عرض ایدیورم .

طونه لی حلمی بک (بولی) — انجمنک شکل معدنک علیهنده سویله یه جکم .

رئیس — مذا کره نی کافی کوردیکز .

طونه لی حلمی بک (بولی) — بوکا دار سوزایستم

رئیس — افندم ! انجمنک صوک تکلیفنه کوره

ماده نک برنجی مذا کره سنی کافی کورنرالرینی فالدرسون !

ایندیریکز بکم الارکزی ! شمدی افندم ! یالکز بر

شکل قالیورکه اوده انجمنه تکرار ویرمکدر .

مفید افندی (قیرشهر) — بنده کزک طی تکلیفم وار .

رئیس — افندم ! انجمنه اعاده سنی ده قبول ایتزسه کز

ماده طبیعتیله کیدر .

ذکائی بک (آطنه) — رئیس بک ! انجمنه ویرکده

تدقیق ایدم .

رئیس — افندم ! انجمن تعدیلنامه لرله برابر ماده یی

تدقیق ایچون ایسته یور .

طوراق بک (ارضروم) — تکلیفمی او قویکز .

رئیس — افندم ! هر هانکی بر ماده یی انجمن ایسترسه

رأیه ، قراره لزوم قالمه دن انجمنه اعاده ایدیلور . ماده انجمندن

کادکدن صوکره بیایدیککزی یاپک ! شمدی رأیه وضع

ایدلمه یی تعدیلنامه لرله برابر ماده یی انجمنه کوندریوروز .

اون دقیقه تنفس ختام جلسه

ایکنجی جلسه

رئیس : برنجی رئیس وکیلی حسن فهمی بک افندی

کاتب : محمود سعید بک (موش)

۲۱ تشرین ثانی - ۳۲۷ بازار ایرتسی ساعت - ۲ صکره

أملی بک ایی بر صورتده تعقیب ایتدیلر . الک نهایت

انکلیزلر ، بزى تخلیه ایتکه واك صکره آلدقاری یردن

کیری آلوب بوجلسه کتیردیلر و کتیرمهک مجبور قالدیلر .

بوصورتاه مجلس تاریخنه قید ایتدی وانکلیزلرده کندی

تاریخنه بر صحیفه قید ایتدیلر . برفرق ایله که : بز میکیلر

ظفر و شرف قید ایتدیلر اونلرکی ایسه بر هزیمت ؛ عالم

مدینته قارشی تاریخی بر ظلم ایله تلویث ایتدیلر . و بو بوک

ملت مجلسنی تمثیل ایدن سزله تشکرله برابر تبریک ایلرم .

(آلقیشلر)

رئیس — جلسه کشاد ایدلیدی . افندیلر ! مالطه

مغدورینندن ومدافعه مملکتک ایلاک مجاهد لرندن سیواس

مبعوثی واصف بکی تقدیم ایدرم . (آلقیشلر . کرسی به

سسلری)

واصف بک (سیواس) — افندیلر ! مجلسک

آغوشندن بزى انکلیزلر نصل بر قصد ایله آلدیغنی ییلورسکنر

فتقط ؛ مجلس عالیئک تعقیب ایتدیکی مسلك اونلرک قصدینه

میدان بر اقدی . آرقداشلر مز داغیلما دیلر ، و بوراده

طوبلان دیلر ، وظیفه یه دوام ایتدیلر . ملت حقدنه کی

ریاست جلیله

دعوی ملیحک اثبات مشروعیی ایچون پک عالیجنابانه فداکار
تقدردنه بولنان محترم مادام غولیس جنابلرینه مجلسجه بیان تشکرات
ایدلسنی تکلیف ایدرم

طربزون	سیواس	قوزان	وان مبعوثی
خسرو	زلفی	فکرت	حیدر
		قارص	ارضروم
			حسین عونی

(شدتلی آقیشلر)

حاجی توفیق افندی (کنغری) — یشاسون
انسائیت پرورلر .
رئیس — سیواس مبعوثی رؤف بک افندینک استعفا
نامه سی واردر .

تورکیا بیوک مات مجلسی ریاست جلیله

خسته نم دولایسیله دونکی پنجه کونی هیئت مومیه حالنده
اجتماع ایدن مجلسده اثبات وجود ایده مدم و کون اجتماع مذکورده
حاضر بولسان یوز آتیش یدی ذاتدن آنجق سکسان درت
ذاتک رای اعتمادیله منحل بولنان نافعہ و کالتنه انتخاب بیوردیغی
اوکرندم . بوله مهم و حیاتی آنلرده و کالت امورینی درعهده
آنجق مجلس عالیئک بحق اعمادینه لیاقله ممکن اولایسه حی
قناعتنده بولندیغمدن اظهار بیوریلان اعماده عرض تشکرله
برابر موجود اعضا یه نظر رأی اعتماد عددخی وظیفه و مقابلی
اولان مسئولیتی درعهده ایچون کافی کورده مدیکمدن بووظفه
ایچون دها بیوک اعماده مظهر برذاتی و کالت مذکورده انتخاب
بیوروق اوزره نافعہ و کالتدن استعفا عرض و قبولی استرحام
ایلرم .
سیواس مبعوثی

حسین رؤف

توفیق افندی (کنغری) — افندم رؤف بک افندینک
به کون کیم اولدیغی همیز بیلیرز . امور دولتی تدویر
ایدر و یا ایده مز بونی دوشومک و سویله مک زاندر .
مع مافیله او کونکی اتحادیه بریا کاشلق اولدی . بویا کاشلق؛
رؤف بک و کالتی قبول ایده جکمش ، ایتیه جکمش کبی
او کون اورته ده دوران ایدن برسوزدن ایلری کلدی .
آرقداشلر مزک اکثریسی قبول ایتیزه بیله رای ویره جکیز
دیدیلر . رای ویردیله بعضلری ده قبول ایتیز دیه رایئندن
نکول ایتدیله . آنک ایچون اضافی برا کثرت اولدی .
یوقسه قبول ایده جکشی بیلسلردی عموماً و منفقار ایلرینی
ویره جکدیله . آنک ایچون استعفا سی کیری آلمسک
طرفداری م .

رؤف بک (سیواس) — معلوم عالیکز یکریمی آیلق

برزمانی، اسارتله کچیردک . سزک شرف رفاقتکز دن بومدت
ضرفنده محروم ایدک . بوراده بدایت اجتماعدن بوکونه
قدر جناب حقہ حمد، شالر اولسون مات و ملکیتی بیوک
بر راده یه کتیردیکز . منافعی تأمیناً بیوک خدمات ایفا
ایتدیکز . سزک وجوده کتیردیکز عسکری و ملکی
قولر حقوق ماتی بحق شرفلی اولارق مدافعه ایتدیله .
وایدیورلر وانشاللا یقنده تماماً مقدس غایه منزی استحصال
ایده جکدر . بونجه زماندن بری بووقایع مهمه نک جریان
اشانسنده طبیعی آراکزده بولنه مدم و ییانبجی قالم . یکریمی
آیلق اسارت سخت اوزرینه ده تأثیر اجرا ایتدی و بو
اعتبارله بورایه مواصلتمده بعض ارقداشلر مک بکا توجه
آری اوله رق اشارت ایتدی کیری پک مهم وظیفه لر ی درعهده ده
برمدت موقته ایچون مذکور اولدیغی سوتلشمدم . خسته لغم
اشانسنده قیمتلی ارقداشلر مدن بعضیلرینک اشارتیه عمر
لطفی بک افندینک انحلال ایدن نافعہ و کالتنه انتخاب ایچون
رفقای کرآمدن بعضلری مأموریت قبول ایده میه جک
قدر راحتسزلغی و بو خصوصده کی قناعتمی بیلمه لر ی
دولایسیله رایه اشترک ایتیه مشلر و برقسمنک ده رایلرینده
اصرار ایتیه لر ی بنده کزه بروضیت احداث ایتدی . بو
وضیته ده استعفا مده عرض ایتدی کم شکدر . افندیله ! بن
بوملتک اک عاجز بر فردی (استغفرالله صدالری) و آزاد
قبول ایتیز بر اجیری م . بوملتک هر هانکی بر خدمتی نم
ایچون بر شرفدر . (آقیشلر) بومیانده بر قاعنی قولی
قوماندانی اوله رق موفقیت احراز ایدن اردومزک بر تک
تقرینه خدمت ایتک نم ایچون پک بیوک بر شرفدر . یالکز
آرقداشلر ! امنیتله تعیین ایدلش بر مأموریتله بوملتک وحدتی
تأمین ایدن ، خلاص پروغرامنی چیزه ن و بوغایه نی استهداف
ایچون ال بر لکیله چالیشان و بو قدر شانلی موفقیتلر
احراز ایدن ، النده تشریحی و اجرایی قوتی حائر اولان
مجلس عالیکزک و کالتنی درعهده ایتک آره سنده چوق بیوک
فرق واردر . مجلس عالیکزک و جهانجه معلوم اولان
غایه سی بر آن اول بوتعرض ایدن دشمنی طوبرا قلمزدن
آتمق و میثاق ملی حدودی داخلنده بوملتک غایه لرینی
تعیین و تحدید ایتک استقلالنی تاید و ترصین ایتکدر .

حقنده کی رأی قوتلی کورمک ایسته دیکی، بومهم آنده قوتلی شخصلرله تقویه ایتمک آرزو ایتدیکی هیئت وکیلله بی اعتماد تام ایله کورمک ایستور. اونک ایچون تعیین اسامی ایله رایه قومسنی تکلیف ایدرم.

شوقی بک (ایچ ایل) — رأی اشاری ایله مسئلهنی حل ایدلم افندم (تعیین اسامی صدرلی)

مفیدافندی (قیر شهر) — رئیس بک! اصول مذاکره حقنده سوز ایسترم. تعیین اسامی ایله رایه قومیق قانونه منافیدر. رؤف بک برادر مزه مجلسدن هیچ بر آرقداشمزک عدم اعتمادی یوقدر. استعفاسنی کری المسنی و مجلسک هیئت عمومی سنک کنیدیسنه اعتماد ایتمسنی تکلیف ایدرم. عثمان بک (لازستان) — بندک زده تعیین اسامی ایله رایه وضعنی تکلیف ایدم جکم. مادام که هیئت جلیله بک رؤف بک اعتماد تامی واردر.

امیرپاشا (سیواس) — رئیس بک! رؤف بکک آرزوسنه براقلم اوکا کوره انتخاب ایدلم.

جلال الدین عارف بک (ارضروم) — رئیس بک! مساعده بیورولورمی؟ مادام که: آرقداشلر مزدن بر چوغنی تعیین اسامیدن بحث بیوردیلر. اوخالده رؤف بک افندی به تعیین اسامی ایله بیان اعتماد بیورولسنی تکلیف ایدیورم.

رئیس — افندم! بوخصوصده سوز ایستین باشقه آرقداشلر یکنز وار. موضوعی کافی کورنلر لطفاً ال قالدیرسون! (کافی کورولدی)

افندم! ایکی فکر وار: بریسی رأی اشاری ایله رؤف بک افندی به بیان اعتماد و تأیید اعتماددر. دیگر ایکنجیسی ده خایر بوتعین اسامی ایله اولسون! یولنده در (خایر سسلری) مساعده بیوریکنر! رؤف بک افندی به سؤال ایدیورم: رؤف بک! رأی اشاری ایله می اولسون، یوقسه تعیین اسامی ایله می؟

رؤف بک (سیواس) — آرقداشلر مک اظهار بیوردقلری توجه تشکر ایدرم. لطفاً بردها تعیین اسامی ایله اولسون.

رئیس — افندم! رؤف بک افندینک استعفاسنک ردیله تأیید اعتماد ایدلسنی رأیکزه عرض ایدیورم. قبول

بو اساس غایه اولدیغنه نظر آبی نافعنه وکالتنه مأمور ایدنبجه این بوغایه اساسی به ایمان اتمس مبعوث آرقداشلر مک هیئت عمومی سه یقین بر اکثریتله ایفای وظیفه ایدم بیلرم. عکس تقدیرده آرقداشلر مک ماتک امورنده ملت مجلسنک حاکم اولدیغی آنلرده ملندن زیاده نفسمه اعتماد یوقدر. بتم نفسمدن، بتم قوتمدن، بتم حرکاتمدن چوق یوکسک ماتک اموریته ناظم بر ملت مجلسی واردر. بناء علیه؛ اونلردن آلاجم امر و ارادهیه نظراً حرکت ایدرم. او ارادهده صریح و بلیغ اولمالیدر. اوزمان آنجق وجدانم مستریح، استقبالدن امین اوله رق وظیفهیه دوام ایدم بیلیر و عین و عنایت حقه ایفای خدمته چالیشیرم. بو وسیله ایله مساعده ایدر سه کز ایکی اوج سوزله قناعتلرمی خلاصه ایتمک ایسترم. شاید قناعتلرمله، قناعتلر کزده وحدت حاصل اولور و بکا بو وظیفهیه تودیع ایدر سه کز بیلکیز که افندیلر بتم بویوک شمند و فر خطلری، شوشه لر و ساثره کبی فکیرلرم بوکون ایچون یوقدر. بتم قناعتم ده مین عرض ایتدیکم کبی بوکون ملک کتده دفع ایدیله جک و محقق دفع ایدیله جک بر دشمن واردر، بو دشمنک دفعی ایچون غضنفرانه و غر اشان اردو مز واردر. اول امرده اردو مزک امورینی تسهیل ایتمک ایچون نافعنه وکالتنک وسائطنی، تکمیل قوتی و الک اعظمی فعالیتله چالشدیرمغه غیرت ایدرم و بونی وظیفه عد ایدرم (های های سسلری) بومیانده مجلس ملیمزدن آله جقم قوتله اواداره نی سرعت ماکنه سی کبی ایشلنه جک صورتده مراقبه چالیشه جقم. بوندن باشقه اگر بنده کزدن شوشه لر، واسع یوللر اعمالی، طرق جدیده احدائی کبی فوق العاده لکلر امید ایدر سه کز شمیدین سویلرم، بونک امکالنزلغنی معترفم. ظن ایدرم، قناعتلرمی منسلمان بر قارداشکیز کبی عرض ایتدم. بوندن سوکره ملت وکیللرینک رأی بکا اراده و امر اوله جقدر (آلقیشلر رایه قویکنر سسلری)

خسرو بک (طربزون) — افندم! سیواس مبعوثی آرقداشمز رؤف بک افندینک سویله دکلرندن فضله لاف سویله مک ایستمم. آکلاشیلور که رؤف بک بو وظیفهیه شو ویا بو وظیفه ایچون دکل، بالعکس تکمیل مجلس ملیمزدک

ایدنلر بیاض ، ایتمانلر قرمزى یوصله ویره جت .
 افندم ! مساعده بیوریکز ، کندیسنک رأینه بر اقدق .
 کندیلری ده تعیین اسامی ایله اولسنی رجا ایتمیلر . لطفاً
 رأیلر کزى ویریکز .
 افندم ! مساعده بیوریکز . رأیه عرض ایدیلن جمله
 شودر : « رؤف بك افندینك استعفا سنك اعاده سیله تأیید
 انتخاب و بیان اعتماد ایدله سیدر » (اویله صدائزى) (ارا
 طولاندى)

افندم ! بشقهرأى ویرمیان ذوات وارسه لطفاً رأیلرینى
 ویرسونلر ! تصنیفه باشلايه جغز .

نافعه وکیلى رؤف بك افندینك استعفا نامه سنك
 اعاده سیله تأیید انتخاب و بیان اعتمادى متضمن اولان آرانك
 نتیجه سنده رأیه اشتراك ایدنلر ۱۶۳ اولدیغنه كوره معامله
 تمام . بر رده قارشى ۱۶۲ رأى ایله رؤف بك افندى
 نافعه وکالتنه انتخاب اولمشدر . (آلفیشلر)

رئیس — بر معتاد یارین اداره نواحى قانونسك
 مذاکره سنه دوام ایتمك اوزره مذاکره یی تعطیل ایدیورم .

ساعت ۵:۱۵

نافعه وکیلى رؤف بكك استعفا نامه سى ردیله تأیید

انتخابى قبول ایدنلر

مصطفى كمال باشا آنقره ، مصطفى بك كوشخانه ، محمد رضا بك
 كوشخانه ، عبدالله افندى بولى ، رسول بك بتلیس ، حسن بك
 طر بزون ، مصطفى كمال بك ارطغرل ، فخرالدین بك قارص ، زافى
 بك دیاربكر ، طاهر افندى كنفرى ، مسعود بك قره حصار شرقى ،
 سعیدالدین بك منتشا . جمیل بك كوناھیه ، درویش بك ماردین ،
 علی بك قره حصار صاحب ، احمد مظهر بك استانبول ، سعیدالله
 افندى بتلیس ، توفیق بك وان ، كاظم حسنى بك قونیه ، عاكف
 افندى باطوم ، صدق بك ملاطیه ، رجائى بك طر بزون ، جلال الدین
 عارف بك ارضروم ، موسى كاظم افندى قونیه ، علی جنائى بك
 غازى عینتاب ، عمر وهبى افندى قونیه ، شوق بك ایچ ایل ، محمد
 نادربك ا- پارطه ، عارف بك استانبول ، مصطفى افندى سیوهرك ،
 حاجى مصطفى افندى آنقره ، حافظ حمدى افندى بیغا ، اسعد
 افندى آیدین ، حمدى بك ارطغرل ، مظهر بك آیدین ، سمس الدین
 افندى آنقره ، عثمان نوری افندى ارزنجان ، سلیمان سرى بك
 یوزغاد ، حاجى علی افندى ایچ ایل ، طوفان بك حكارى ، حاجى
 نوری افندى سعرد ، بسیم بك قسطنونى ، سینی افندى كوناھیه :
 مصطفى حلمى افندى نیکده ، رضا بك قیرشهر ، علی وفا بك
 آنطالیه ، حیدر بك كنج ، احمد نوری افندى باطوم ، دوكتور
 فكرت بك قوزان ، حاجى سلیمان افندى ازمیر ، رضا وامق بك

سینوب ، بسیم آنالای بك كوناھیه ، واصف بك كنج ، سرى
 بك ارغنى ، رسم بك اولتى ، حافظ محمد افندى طر بزون ، محمد
 سعید بك موش ، محمد سرى بك سیوهرك ، حمید بك بیغا ،
 اسماعیل بك ارضروم ، حمدى افندى دیاربكر ، حاجى عاطف
 افندى آنقره ، حاجى فیضى افندى العزیز ، واصف بك سیوان ،
 نافذ بك جانیک ، سید حسین بك ارزنجان ، مصطفى فهمى افندى بروسه ،
 نبیل افندى قره حصار صاحب ، اسماعیل صفا بك مرسین ، عثمان
 نوری بك بروسه ، نزهت بك ارغنى ، صادق افندى قیرشهر ،
 عثمان بك لازستان ، عطا بك نیکده ، حسین حسنى بك استانبول ،
 عارف بك بتلیس ، عمر لطفى بك آناسیه ، شكرى افندى بولى ،
 دوكتور مصطفى بك قوزان ، عبدالغنى بك موش ، شكرى بك
 جانیک ، لطفى بك ملاطیه ، جلال بك طر بزون ، محمود بك قره
 حصار شرقى ، عبدالغنى بك سیوهرك ، حسین عوفى افندى قوزان ،
 فائق بك ادرنه ، یاسین بك اولتى ، سامى بك ایچ ایل ، حسین عوفى
 بك ارضروم ، امین بك ارغنى ، یحیی غالب بك قیرشهر ، نوری
 بك بولى ، توفیق افندى كنفرى ، رضا بك استانبول ، حاجى
 محمد بك اسکیشهر ، تحسین بك آیدین ، حیدر بك وان ، صالح
 افندى سعرد ، خسرو بك طر بزون ، فكرى بك كنج ، صلاح الدین
 بك مرسین ، حسن بصیرى بك قره سى ، حاجى احمد افندى موش ،
 دوكتور سعادت بك قسطنونى ، یوسف ضیاء بك بتلیس ، مصطفى طوراق
 بك ارضروم ، دوكتور عدنان بك استانبول ، اسعد بك لازستان ،
 خلیل خلقى افندى سعرد ، حاجى قریب آغاملاطیه ، حافظ ابراهیم افندى
 اسپارطه ، حیدر لطفى بك ایچ ایل ، اوپراتور امین بك بروسه ،
 عبدالغفور افندى قره سى ، حمدى نامق بك ایزمیت ، نجیب بك
 ارطغرل ، صبرى بك قسطنونى ، خلیل بك ارطغرل ، محمد شكرى
 بك قره حصار صاحب ، هاشم بك چوروم ، راسخ افندى آنطالیه ،
 شریف بك سینوب ، امین بك ارغنى ، وهبى بك نیکده ، رشدى
 بك ارغنى ، علی افندى ایچ ایل ، محمد بك بیغا ، عالم افندى قیصرى ،
 راعب بك عینتاب ، شرف بك ادرنه ، قمبرى افندى سعرد ، ابراهیم
 افندى قره سى ، جاوید بك قارص ، امیر پاشا سیواس ، علی رضا
 بك قارص ، دوكتور عابدین بك لازستان ، مصطفى بك درس ،
 جودت بك قیرشهر ، نجم الدین بك سعرد ، عثمان قدرى بك موش ،
 فیاض عالی بك یوزغاد ، راعب بك كوناھیه ، محمد افندى آنطه ،
 انور بك ازمیر ، محمد وهبى افندى قونیه ، ذكائى بك آنطه ، رفعت
 افندى قونیه ، محمد عاكف بك بوردور ، ضمیر بك آنطه ، خلیل
 ابراهیم بك ایزمیت ، یوسف كمال بك قسطنونى ، شاکر بك آنقره ،
 حسن فهمى بك كوشخانه ، امین افندى آیدین ، علی علوى بك
 بوردور ، یونس نادى بك ازمیر ، عمر ممتاز بك آنقره ، حسن
 خبرى بك درس ، بهجت بك كنفرى ، حق پاشا نیکده .

رد ایدنلر

اسماعیل صفا بك مرسین .